



## TOSHKENT VILOYATI CHINOZ TUMANI HOKIMI Q A R O R I

2021 - yil 17 - iyun

131-10-144-Q/21

Chinoz tuman hokimligi

### Тошкент вилояти ҳокимининг

#### 2021 йил 2 июндаги 270-сонли қарори тўғрисида

Ўзбекистон Республикаси Президентининг 2021 йил 31 майдаги “«Ijro.gov.uz» ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги ПҚ-5132-сонли ҳамда Тошкент вилояти ҳокимининг 2021 йил 2 июндаги 270-сонли қарори ижросини таъминлаш, шунингдек, қабул қилинаётган қонунчилик ҳужжатлари ва топшириқлар бажарилишининг таъсирчан тизимини яратишда «Ijro.gov.uz» ижро интизоми идоралараро ягона электрон тизими ўрнини мустаҳкамлаш, унинг аҳамиятини янада ошириш ҳамда самарали фаолият кўрсатишини таъминлаш мақсадида

#### ҚАРОР ҚИЛАМАН:

1. Ўзбекистон Республикаси Президентининг 2021 йил 31 майдаги “«Ijro.gov.uz» ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги ПҚ-5132-сонли қарори ижро учун қабул қилинсин.

2. Ўзбекистон Республикаси Президентининг 2021 йил 10 февралдаги «Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида»ги ПФ-6166-сон **Фармони** билан:

«Ijro.gov.uz» ижро интизоми идоралараро ягона электрон тизими (кейинги ўринларда — «Ijro.gov.uz» тизими) орқали қонунлар, Ўзбекистон Республикаси Президентининг фармон, қарор, фармойиш ва топшириқлари (кейинги ўринларда — қонунчилик ҳужжатлари ва топшириқлар) ижросини назорат қилишнинг мутлақо янги тизими жорий қилинганлиги;

**2021 йил 1 майдан** бошлаб барча давлат органлари ва ташкилотлари ҳамда маҳаллий давлат ҳокимияти органларида ижронини назорат қилиш, назорат картотекаларини юритиш ва ҳисоботларни шакллантириш фақат «Ijro.gov.uz» тизимида амалга оширилиши белгиланганлиги маълумот учун қабул қилинсин.

3. Қонунчилик ҳужжатлар ва топшириқлар ижросини таъминлашда ПҚ-5132-сон қарорининг 2-иловасига мувофиқ тасдиқланган “Маҳаллий ижро этувчи ҳокимият органлари томонидан «Ijro.gov.uz» тизимида қонунлар, Ўзбекистон Республикаси Президентининг фармон, қарор, фармойиш ва топшириқлари ижроси бўйича назорат ва ҳисобдорликни ташкил этиш тартиби”да белгиланган **учинчи босқич бўйича** туман ҳокимлигида қонунчилик ҳужжатлари ва топшириқларни

тўлиқ ва ўз вақтида бажарилишини таъминлаш ва бу ҳақда «Ijro.gov.uz» тизимига белгиланган шаклдаги маълумотларни киритиш жорий этилсин.

4. Ижро интизомини мустаҳкамлаш **бўйича ягона ва узлуксиз «технологик занжир»**ни ташкил қилиш борасидаги **устувор йўналишлар** этиб қуйидагилар белгиланганлиги маълумот учун қабул қилинсин:

қонунчилик ҳужжатлари ва топшириқлар лойиҳаларини ҳар томонлама пухта ҳамда юксак профессионал даражада тайёрлаш;

бошқарув тизимини, замонавий Ўзбекистонни ривожлантиришнинг янги босқичини, иқтисодиёт тармоқлари ва ижтимоий соҳани, шунингдек, республика ҳудудларини мақсадли ҳамда устувор вазифаларга мувофиқ такомиллаштириш;

қонунчилик ҳужжатлари ва топшириқлар ижросини самарали ва режали ташкил қилиш, уларнинг бажарилиш ҳолатини мақсадли ўрганиш ва аниқланган камчиликлар бўйича тезкор чоралар кўриш;

қонунчилик ҳужжатлари ва топшириқлардаги назорат бандларида аниқ механизмлар, муддатлар ва масъуллар белгиланиши бўйича «йўл хариталари»ни (ҳаракат режаларини) ўз вақтида ишлаб чиқиш;

давлат органлари ва ташкилотларининг ижро интизомига масъул бўлинмаларининг ижро интизомини мустаҳкамлашдаги ролини ошириш;

ташкилий, ижро ва назорат фаолияти ягона тизимининг натижадорлиги учун давлат органлари ва ташкилотлари раҳбарларининг шахсий масъулиятини белгилаш.

5. Ўрнатилган тартибга кўра, «Ijro.gov.uz» тизими орқали назорат ва ҳисобдорликни ташкил этишда туман ҳокимлиги қонунчилик ҳужжатлари ва топшириқлар бажарилиши бўйича назорат ва ҳисобдорликни ушбу қарорнинг 1-иловасига мувофиқ тартибда ташкил этади, қонунчилик ҳужжатлари ва топшириқларнинг жойларда тўлиқ ва ўз вақтида бажарилишини таъминлайди ҳамда бу ҳақда «Ijro.gov.uz» тизимига тегишли маълумот киритади.

6. Туман ҳокимининг ўринбосарлари, бўлим бошлиқлари, гуруҳ раҳбарлари, бош мутахассисларига:

«Ijro.gov.uz» ижро интизومي идоралараро ягона электрон тизими орқали қонунлар, Ўзбекистон Республикаси Президентининг фармон, қарор, фармойиш ва топшириқлари ижросини ташкил этишда ПҚ-5132-сон қарорининг **6-иловасига мувофиқ тасдиқланган вақтинчалик низом** талабларига катъий риоя этилишини таъминласин;

қонунчилик ҳужжатлари ва топшириқларнинг тўлиқ ва ўз вақтида бажарилиши, шунингдек, уларнинг ижро ҳолати тўғрисидаги маълумотлар «Ijro.gov.uz» тизими орқали тўлиқ, тўғри ва ўз вақтида тақдим қилиниши учун **шахсий жавобгарлик юклансин.**

7. Туман ҳокимининг 2018 йил 16 октябрдаги 2333-сонли қарори ўз кучини йўқотган деб топилсин.

8. Мазкур қарор ижросини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари зиммасига юклансин.

Туман ҳокими



Б. Алимбеков

Чиноз туман ҳокимининг  
2021 йил 17 июндаги  
131-10-144-Q/21-сон қарорига  
1-илова

«Ijro.gov.uz» тизимида қонунчилик ҳужжатлари ва топшириқларнинг маҳаллий ижро этувчи ҳокимият органлари томонидан ижросини ташкил этиш

### ТАРТИБИ

Босқичлар	Субъектлар	Тадбирлар	Муддатлар
1-босқич	Вилоятлар ҳокимлиги Умумий бўлими (канцелярияси)	Қонунлар, Ўзбекистон Республикаси Президенти фармон, қарор, фармойиш ва топшириқларини (кейинги ўринларда — қонунчилик ҳужжатлари ва топшириқлар) рўйхатдан ўтказиши ҳамда раҳбариятга ахборот беради.	Келиб тушгандан 30 дақиқа мобайнида
2-босқич	Вилоят ҳокимлиги раҳбарияти	Қонунчилик ҳужжатлари ва топшириқлар ижроси бўйича масъул таркибий бўлинма — масъул ижрочини белгилайди ва ижросини таъминлаш бўйича топшириқ беради.	1 кун муддатда
3-босқич	Вилоят ҳокимлиги масъул ижрочиси	1. Қонунчилик ҳужжатлари ва топшириқлар ижроси бўйича назорат режасини тайёрлайди, раҳбариятга тасдиқлатади ва ижрога қаратади. 2. Заруратга кўра, раҳбариятга ахборот берган ҳолда туман (шаҳар) ҳокимликларига амалга ошириш механизми ҳамда бажариш муддатларини аниқ белгиланган ҳолда топшириқни юборади ва назоратга олади.	3 кун муддатда
4-босқич	Туман ҳокимлиги Умумий бўлими (канцелярияси)	Вилоят ҳокимлиги томонидан ижро учун юборилган топшириқларни рўйхатдан ўтказиши ҳамда раҳбариятга ахборот беради.	Келиб тушгандан 30 дақиқа мобайнида
5-босқич	Туман ҳокимлиги раҳбарияти	Қонунчилик ҳужжатлари ва топшириқлар ижроси бўйича масъул таркибий бўлинма — масъул ижрочини белгилайди ва ижросини таъминлаш бўйича топшириқ беради.	1 кун муддатда
6-босқич	Туман ҳокимлиги масъул ижрочиси	Топшириқ ижросини таъминлаш бўйича назорат режасини тайёрлайди, тасдиқлатади ва ижрога қаратади.	3 кун муддатда
		Топшириқ ижроси бўйича амалга оширилган ишлар тўғрисидаги маълумотни зарур тасдиқловчи ҳужжатлар билан бирга белгиланган тартибда вилоят ҳокимлигига тизим орқали киритади.	Топшириқда белгиланган муддатда

7-босқич	Вилоят ҳокимлиги масъул ижрочиси	1. Қонунчилик ҳужжатлари ва топшириқлар ижроси бўйича амалга оширилган, раҳбар (унинг биринчи ўринбосари) томонидан имзоланган белгиланган шаклдаги маълумотни, зарур тасдиқловчи ҳужжатлар билан бирга «Ijro.gov.uz» тизимига киритади.	Қонунчилик ҳужжатлари ва топшириқларда белгиланган муддатдан кечикмасдан
		2. Топшириқ ижроси бўйича «Ijro.gov.uz» тизимига киритилган маълумотлар Адлия вазирлиги томонидан эътирозлар билан ишлашга қайтарилганда, бу ҳақда раҳбариятга ахборот беради, камчиликларни бартараф этади ва тегишли маълумотларни тасдиқлаш учун «Ijro.gov.uz» тизимига қайтадан киритади.	Зудлик билан
8-босқич	Вилоят ва туман ҳокимлиги раҳбарияти	Қонунчилик ҳужжатлари ва топшириқлар ижро ҳолати: ҳокимнинг биринчи ўринбосари ҳузурида муҳокама қилинади; ҳоким ҳузурида муҳокама қилинади.	Ҳар ҳафта жума куни Ҳар ҳафта душанба куни
	Вилоят ва туман кенгашлари	Қонунчилик ҳужжатлари ва топшириқлар ижро ҳолати муҳокама қилинади, топшириқларни тўлиқ бажармаган, кечиктириб бажарган ёки умуман ижросини таъминланмаган раҳбар ва ходимларга нисбатан интизомий жавобгарлик чораларни қўллаш масалалари кўриб чиқилади.	Ҳар ойда
9-босқич	Назорат ва ижро интизомини таъминлаш вазифаси юкланган таркибий бўлинма	1. Қонунчилик ҳужжатлари ва топшириқлар масъул ижрочи томонидан ўз вақтида бажарилиши ва натижаси бўйича белгиланган шаклдаги маълумотлар «Ijro.gov.uz» тизимига тўлиқ ва ҳаққоний киритилишини назоратга олади. 2. Топшириқ ижроси бўйича «Ijro.gov.uz» тизимига киритилган маълумотлар Адлия вазирлиги томонидан эътирозлар билан ишлашга қайтарилганда, масъул ижрочи томонидан камчиликлар зудлик билан бартараф этилиши ва тегишли маълумотлар тасдиқлаш учун «Ijro.gov.uz» тизимига қайтадан киритилишини назоратга олади.	Доимий
10-босқич	Адлия вазирлиги	Вилоят ҳокимликлари томонидан «Ijro.gov.uz» тизимига киритилган маълумотлар тўлиқлиги ва ҳаққонийлигини ўрганади ва натижаси бўйича: а) топшириқ бажарилган бўлса — масъул ижрочи томонидан «Ijro.gov.uz» тизимига киритилган маълумотларни тасдиқлайди; б) топшириқ бажарилмаган бўлса ёки зарур тасдиқловчи ҳужжатлар тақдим қилинмаган бўлса — уларни қайта ишлашга масъул ижрочига жўнатади.	1 иш кунида, кўшимча ўрганиш талаб этилганда 5 кун муддатда
		«Ijro.gov.uz» тизимига зарур маълумотлар ўз вақтида киритилмаса ёки нотўғри маълумотлар киритилган бўлса, мазкур камчиликларни бартараф этиш тўғрисида вилоят ҳокимлигига кўрсатма киритади.	Заруратга кўра

11-босқич	Вазирлар Маҳкамаси	<p>Вилоят ҳокимлиги томонидан «Ijro.gov.uz» тизимига киритилган ва Адлия вазирлиги томонидан тасдиқланган маълумотларнинг тўлиқлиги ва ҳаққонийлигини ўрганади ва натижаси бўйича:</p> <p>а) топшириқ бажарилган бўлса — «Ijro.gov.uz» тизимига киритилган маълумотларни тасдиқлайди;</p> <p>б) топшириқ бажарилмаган бўлса ёки зарур тасдиқловчи ҳужжатлар тақдим қилинмаган бўлса — уларни қайта ишлашга масъул ижрочига жўнатади.</p>	1 иш кунда, қўшимча ўрганиш талаб этилганда 5 кун муддатда
		<p>Вилоят ҳокимлиги томонидан қонунчилик ҳужжатлари ва топшириқлар ўз вақтида бажарилиши, натижаси бўйича белгиланган шаклдаги маълумотлар «Ijro.gov.uz» тизимига киритилишини назоратга олади.</p>	Доимий
12-босқич	Ҳисоб палатаси	<p>Вилоят ҳокимлиги томонидан «Ijro.gov.uz» тизимига киритилган, Адлия вазирлиги ва Вазирлар Маҳкамаси томонидан тасдиқланган маълумотлар тўлиқлиги ва ҳаққонийлигини ўрганади, натижаси бўйича:</p> <p>а) топшириқ бажарилган бўлса — «Ijro.gov.uz» тизимида топшириқни назоратдан ечади;</p> <p>б) топшириқ бажарилмаган бўлса ёки зарур тасдиқловчи ҳужжатлар тақдим қилинмаган бўлса — уларни қайта ишлашга масъул ижрочига жўнатади.</p>	3 кун муддатда, қўшимча ўрганиш талаб этилганда 5 кун муддатда